



3Broj: 01/20-02-475/24-1
Sarajevo, 27.02.2024. godine

PREDSTAVNIČKOM DOMU
PARLAMENTA FEDERACIJE BiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		27-02-2024	
Org. jed.	Broj	Priloga	Vrijednost

Dana 27.02.2024. godine održana je 5. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH (u daljem tekstu: Odbor).

Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Inicijativa za utvrđivanje i dodjelu novčane nagrade za Karate reprezentaciju Bosne i Hercegovine i pojedinačne osvajače medalja i njihove trenere na Evropskom takmičenju održanom 11.02.2024. godine u Tbilisiju, u Gruziji, a po uzoru na Uredbu o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije BiH za ostvarene vrhunske sportske rezultate na međunarodnim takmičenjima.

Na osnovu člana 44. a u vezi sa članom 75. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Uvodno izlaganje dala je predsjednica Odbora Jasmina Bišćević - Tokić i upoznala prisutne članove Odbora sa Inicijativom za utvrđivanje i dodjelu novčane nagrade za Karate reprezentaciju Bosne i Hercegovine i pojedinačne osvajače medalja i njihove trenere na Evropskom takmičenju održanom 11.02.2024. godine u Tbilisiju, u Gruziji,



a po uzoru na Uredbu o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije BiH za ostvarene vrhunske sportske rezultate na međunarodnim takmičenjima.

Uvodnom izlaganju svoj doprinos su dali i prisutni gosti ispred predsjedništva Karate saveza BiH i to: Denis Muhović, osnivač i trener Karate kluba Champion, Adnan Arnautović, Karate klub "Travnik GS-TMT".

Nakon uvodnih izlaganja, Odbor je obavio diskusiju tokom koje su svi prisutni članovi Odbora iznijeli svoje pohvale i prijedloge, te na kraju jenoglasno podržali određene zaključke i INICIJATIVU, a koje upućuju na dužnu pažnju i izjašnjenje Federalnom ministarstvu kulture i sporta, kako glasi:

ZAKLJUČAK 1.

Odbor za obrazovanje, nauku, kulturu i sport Predstavničkog doma Parlamenta Federacije BiH upućuje Federalnom ministarstvu kulture i sporta Inicijativu za utvrđivanje i dodjelu novčane nagrade za Karate reprezentaciju Bosne i Hercegovine i pojedinačne osvajače medalja i njihove trenere na Evropskom takmičenju održanom 11.02.2024. godine u Tbilisiju, u Gruziji, a po uzoru na Uredbu o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije BiH za ostvarene vrhunske sportske rezultate na međunarodnim takmičenjima.

Obrazloženje: Karate reprezentacija Bosne i Hercegovine je dana 11.02.2024. godine učestvovala na Evropskom prvenstvu u Gruziji gdje su postignuti fantastični rezultati.

Osvojene su 4 (četiri) zlatne medalje, 1 srebrna i 1 bronzana medalja.

Zlatne medalje: Emina Sipović – prvakinja Evrope u kategoriji borbe U21-61kg.,
Anes Bostandžić – prvak Evrope u kategoriji borbe U21-84kg.,
Ali Arnautović – prvak Evrope u kategoriji borbe kadeti-70kg.,
Bekir Grabus – prvak Evrope u kategoriji borbe U21-67kg.

Srebrna medalja: Ajla Sipović u kategoriji juniorki-66kg.,



Bronzana medalja: Nejra Sipović u kategoriji U21-55kg.

Emina Sipović je član Karate kluba „Ippon“, a Anes Bostandžić član Karate kluba „Champion“, oboje iz Sarajeva.

Ali Arnautović i Bekir Grabus su mladi karatisti iz Travnika koji su članovi Karate kluba „Travnik GS-TMT“.

Svi oni su tokom prethodnih takmičenja ostvarili značajne rezultate kako u našoj zemlji tako i u regionu.

Emina, Anes, Ali i Bekir su ponos svojih gradova, kantona, Federacije, te cijele BiH.

Uzor su kakav bi trebali slijediti mladi ljudi. Ključ uspjeha ovih mladih takmičara je u neizmjernom trudu, radu, vježbanju, upornosti ali i talentu.

Kako bi svi prethodno navedeni karatisti nastavili da predstavljaju našu državu u najljepšem svjetlu i kako bismo ih svi zajedno motivisali u tome, te u cilju unaprijeđenja treninga i kao podsticaj mladim i uspješnim sportistima, molimo Vas da podržite ovu Inicijativu i adekvatno nagradite Karate reprezentaciju Bosne i Hercegovine kao i sve naše takmičare pojedinačno i njihove trenere, a koji su nedvojbeno dali sve od sebe da postignu odlične rezultate i da postupite po uzoru na Uredbu o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije BiH za ostvarene vrhunske sportske rezultate na međunarodnim takmičenjima.

ZAKLJUČAK 2.

Odbor za obrazovanje, nauku, kulturu i sport Predstavničkog doma Parlamenta Federacije BiH traži od Federalnog ministarstva kulture i sporta da izmijeni Uredbu o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije BiH za ostvarene vrhunske sportske rezultate na međunarodnim takmičenjima i u istu doda i karatiste, te na taj način ispravi diskriminaciju koja se vrši prema ovoj vrsti sporta i sportistima koji se bave karateom.



ZAKLJUČAK 3.

Odbor za obrazovanje, nauku, kulturu i sport Predstavničkog doma Parlamenta Federacije BiH traži od rukovodstva i Kolegija Doma naroda Parlamenta Federacije BiH da na dnevni red uvrsti Nacrt Zakona o doživotnoj mjesečnoj naknadi zaslužnim sportistima u Federaciji BiH, a koji je usvojen na 33. redovnoj sjednici Predstavničkog doma održanoj 31.05., 06.06.2022. godine.

PREDSJEDNICA ODBORA

Jasmina Bišćević – Tokić, s.r.

Dostaviti:

- članovima Odbora
- Federalnom ministarstvu kulture i sporta
- Karate savezu Bosne i Hercegovine
- a/a.